

Broj: 004-0-SuDp-18-000 956
Zenica, 31.07.2018. godine

Na osnovu člana 31. Zakona o sudovima u Federaciji Bosne i Hercegovine („Službene novine Federacije Bosne i Hercegovine“ broj: 38/05, 22/06, 63/10, 72/10, 7/13 i 52/14), člana 28. i 70. stav 1. Zakona o javnim nabavkama Bosne i Hercegovine („Službeni glasnik BiH“, br. 39/14) predsjednica suda donosi:

ODLUKU

o rezultatu postupka u pregovaračkom postupku nabavke bez objavljivanja obavještenja o nabavci

I

Prihvata se konačna ponuda ponuđača „VIZIJA“ d.o.o. Visoko broj: 01-382-2/18 od 30.07.2018. godine sa ukupnom cijenom ponude koja iznosi: 10.292,40 KM bez PDV-a, odnosno 12.042,10 KM sa PDV-om i imenovanom ponuđaču se dodjeljuje Ugovor o izvođenju dodatnih radova „Nabavka materijala, izrada i montaža aluminijske bravarije - pet pozicija stolarije u prizemlju zgrade Kantonalnog suda u Zenici, putem pregovaračkog postupka bez objavljivanja obavještenja o nabavci.

II

Izabrani ponuđač će o prihvatanju ponude iz tačke I. biti obaviješten u roku od tri dana od dana donošenja Odluke.

III

Ova Odluka objavit će se na web-stranici Kantonalnog suda u Zenici, istovremeno s upućivanjem iste ponuđaču koji je učestvovao u postupku javne nabavke.

O b r a z l o ž e n j e

Pregovarački postupak bez objave obavještenja za nabavku dodatnih radova „Nabavke materijala, izrade i montaže aluminijske bravarije - pet pozicija stolarije u prizemlju zgrade Kantonalnog suda u Zenici pokrenut je Odlukom o pokretanju postupka broj: 004-0-SuFin-18-000 215 od 23.07.2018. godine.

Razlozi za pokretanja pregovaračkog postupka su slijedeći:

Ugovorni organ je pokrenuo otvoreni postupak javne nabavke radova na ugradnji stolarije sa fasadnim radovima prema objavljenom obavještenju o javnoj nabavci broj: 2885-1-3-30-3-1/18 dana 20.04.2018. godine na Portalu javnih nabavki. Nakon provedenog postupka javne nabavke ugovor o javnoj nabavci radova je zaključen dana 04.06.2018. godine sa najpovoljnijim ponuđačem „Vizija“ d.o.o. Visoko. U toku izvođenja radova pojavila se potreba za dodatnim radovima usljed nepredviđenih

okolnosti koje se ogledaju u tome da je dana 19.07.2018. godine J.P. Zenica d.o.o. Zenica sa kojim je Kantonalni sud u Zenici ranije dana 06.03.2018. godine zaključio Ugovor o pružanju usluge izrade tehničke tenderske dokumentacije za izvođenje radova na zamjeni fasadnih pozicija i postavljanja termofasade na zgradi Kantonalnog suda u Zenici broj: 004-0-SuDp-18 000 366 obavjestilo sud da je u pripremi tenderske dokumentacije za izvođenje radova na Kantonalnom sudu u Zenici napravljena nenamjerna greška u bravarskim radovima. Navode da je u stavci 2. bravarskih radova, koja se odnose na prizemlje umjesto 6 komada POZ p-II, u ugovornom predmjeru stoji samo jedna takva pozicija.

Slijedom navedenog propustom J.P. Zenica d.o.o. Zenica radovi koji su navedeni u članu I Odluke predstavljaju dodatne radove koji nisu specificirani tehničkom tenderskom dokumentacijom, te kao takvi nisu predviđeni u tenderskoj dokumentaciji u otvorenom postupku javne nabavke radova na ugradnji stolarije sa fasadnim radovima, što je dalje imalo za posljedicu da isti nisu predviđeni ni u zaključenom osnovnom ugovoru o izvođenju radova broj: 004-0-SuDp-18-000 713 od 04.06.2018. godine.

Navedeni radovi iz članu I Odluke Izvođača radova „Vizija“ d.o.o. Visoko su neophodni za dalji nastavak radova po osnovnom ugovoru.

Shodno izloženom zaključeno je da su ispunjeni uslovi za provođenje pregovaračkog postupka bez objave obavještenja sa izvođačem kojem je dodijeljen osnovni ugovor, jer su ispunjeni osnovni uslovi za korištenje ove mogućnosti:

- radovi su nastali u toku realizacije prvobitno zaključenog ugovora,
- radovi su nastali usljed nepredviđenih okolnosti,
- radovi su neophodni za izvršenje opisanih radova,
- da se takvi radovi ne mogu tehnički ili ekonomski odvojiti od glavnog ugovora bez većih nepogodnosti za Kantonalni sud u Zenici,
- ukupna vrijednost ugovora dodijeljenog za dodatne radove ne prelazi 20% od vrijednosti osnovnog ugovora. Isti iznose 7,27 % vrijednosti od osnovnog ugovora.

Poziv za dostavljanje zahtjeva za učešće u pregovaračkom postupku bez objave obavještenja o nabavci dostavljen je dana 24.07.2018. godine na adresu ponuđača „Vizija“ d.o.o. Visoko, te istoga dana shodno članu 28. stav 4. Zakona o javnim nabavkama, informacije o pregovaračkom postupku bez objave obavještenja i obavijest o načinu preuzimanja tenderske dokumentacije objavljene su na Internet stranici Kantonalnog suda u Zenici, kako bi bile dostupne ostalim zainteresovanim ponuđačima.

Po pozivu za dostavu ponude ponuđač „Vizija“ d.o.o. Visoko je dostavio početnu ponudu u ostavljenom roku i to do dana 27.07.2018. godine u 7,45 sati. Komisija je na sastanku održanom dana 27.07.2018. godine u 9,40 sati pristupila otvaranju pristiglih ponuda. Nakon izvršenog otvaranja ponuda, Komisija je pristupila analizi dokumentacije priložene uz ponude u smislu ispunjavanja kvalifikacionih uslova u odnosu na postavljene zahtjeve Ugovornog organa u tenderskoj dokumentaciji i utvrdila da je ponuđač „Vizija“ d.o.o. Visoko dostavio sve kvalifikacione dokumente u formi i na način predviđen pozivom za učešće u ovom postupku i početnu ponudu u iznosu od 12.042,00 KM bez PDV-a. U pregovorima Ugovorni organ je predložio smanjenje cijene početne ponude na iznos od 10.292,40 KM bez PDV-a, shodno prihvaćenom prijedlogu Komisije za javne nabavke koja je na zapisniku o radu Komisije sa sastanka održanog dana 27.07.2018. godine u 9,40 sati, matematički iskazala kako je izračunata cijena ponude koja je ponuđena u pregovorima i dana 30.07.2018. godine uputila poziv ponuđaču „Vizija“ d.o.o. Visoko za dostavljanje konačne ponude.

U skladu sa članom 63. Zakona o javnim nabavkama, Komisija je u zakazano vrijeme dana 31.07.2018. godine pristupila javnom otvaranju konačnih ponuda, te je utvrđeno da je dostavljena konačna cijena ponuđača „Vizija“ d.o.o. Visoko u iznosu od 10.292,40 KM bez PDV-a.

Shodno izloženom Komisija za predmetnu nabavku je dana 31.07.2018. godine, jednoglasno predložila predsjednici suda da dodijeli predmetni ugovor ponuđaču „Vizija“ d.o.o. Visoko sa ukupnom cijenom ponude od 10.292,40 KM bez PDV-a, odnosno 12.042,10 KM sa PDV-om. Predsjednica suda je prihvatila Izvještaj i preporuku Komisije za javne nabavke, te je donesena Odluka kao u dispozitivu.

Pouka o pravnom lijeku:


Protiv ove Odluke može se izjaviti žalba ugovornom organu Kantonalnom sudu u Zenici, u skladu sa članom 101. stav (4). Zakona o javnim nabavkama.

Dostavljeno:

1x Vizija d.o.o. Visoko

1x Odsjek za računovodstvo

1x Sekretar



Predsjednica suda

Snježana Čolaković
Snježana Čolaković